

殿志 333

第一冊

序

舊序

姓氏

目錄

圖

總紀上

總紀下

72601

02140.67
34
7410108

諸城縣志

卷一 卷二 卷三

重脩諸城縣志序



諸城有志莫詳所始宋知密州吳文肅公常山祠記云近地志以為祈雨而常應故名曰常山意所謂地志或廣記圖經之屬非州縣志耶明萬曆癸卯知縣王君之臣屬縣人兵脩使陳君燭志之其於建制因草多謂本永樂閒鈔志是或其權輿矣陳志十二卷雖所傳人


物不盡備其本末而國家典制之大及民生利病工役興廢之由釐然皆可指數

國朝康熙癸丑知縣卞君穎重修之志全用其文而續以後七十年事又九十年為乾隆壬午予借補是縣卞志且漫漶不可讀別求得舊印者二部又得陳志一部以為張本廣延文士更葺之考表錄

傳諸君分纂其體裁則一準於予意而緒
書史訪遺老網羅故蹟稱述逸聞縣之
事庶幾其無遺矣且夫典禮樂章不
載者非畧也天下所同也其山川疆域
田賦物產必詳者非侈也一邑所獨也
割立金石考為從來志乘所無者重縣
之所有也而舊載詩文皆芟者不敢苟
循乎俗也一事之錄必究其原本一人

之登必參之公論非苛也務以訂誤
正譌而期其可以傳信也自壬午十月
開館至癸未五月成稿授梓後予數
以勘獄詣青濟回署又多案牘不得親
為督理然寤寐飲食意未嘗一日不在
乎志工未竣適調濱州以去而其意倦
倦者無窮也予二十年来歷知山東
州縣乃獨倦倦於是者豈非樂其風俗

之溥而其吏民亦安予之拙竊有同於
蘓子所云哉為圖一總紀二考十二表
十一錄二列傳十八凡四十六卷乾隆甲
申三月丙子恭州宮懋讓序



志史類也歷代皆有史而班馬之史獨
膾炙人口為藝苑所珍重豈非以其文
哉則志亦未可概論矣諸城東國名地
山川之秀甲青齊秦漢為琅邪郡治
唐宋元為密州治前明始為屬縣而
疆域濶大賢豪輩出固猶是州郡之
規模也元以前志乘無考明萬厯間纂
者縣人名曰前志

國朝康熙間纂者名曰後志至今已九
十餘年矣建置之興廢田賦之沿革職
官之去來科目仕宦之履歷忠臣孝子
名卿大夫文宗詩伯高人列女之言行
其待采於史氏者蓋不可勝數也秦州
宮君杜洲以牧借補來縣慨然續修集
摺紳父老而謀之廣延文士開館超然
臺下分類纂輯而君哉定之始於壬

午初冬至甲申春志將成而君調補濱州未及行旋以病卒於縣之東郭嗚呼君年餘盛舉不得目覩厥成其亦可悲也已予承乏攝篆接行督梓蜀終工後刷閱體裁之雅飭搜羅之精詳文字之風華古健其超出近今邑乘亦幾如史漢之超出諸史矣君之心其可以慰乎頌段落間有多少語言

間有錯謬字畫亦間有差訛縣紳士僉議改正予詢其故乃知志藁脫於癸未之夏分修者散歸梓人承鐫而君於初秋即以勘獄馳驅青濟間時暫歸則案牘山積清理未半又檄催赴去矣甲申春正抱病歸署卧牀不起以歿則志自授梓以後君或未暇詳閱也嗚呼以君之憐於此而留滋瑕以掩全瑜

之心其又何以慰乎予不揣仍延縣人
原分修者正訛譌以從原本且延孫中
老成者德共為鑒官聊以成官君之功
於身後非敢曰自為功也乾隆二十九
年歲次甲申六月庚戌署諸城縣事
錢塘顧士安序



邑有志猶國有史也所不同者史邪正兼
收褒貶並見志則惟嚴去取有美無刺而
已然信今傳後下為一邑之觀法上備史氏
之採擇其所係豈淺鮮哉余前令福山福
志修於康熙十二年迄今已九十餘載余受
事後重修之甲申初秋奉

命移知諸城諸志厯久不修與福志同幸
前任泰州宮君杜洲初蒞任即亟亟為之

諸城縣志 序三

廣延文士開館纂輯八閱月稿成授梓甲
申君病卒卒後梓人告竣段落之多少語
言之錯謬字畫之差訛什且間有一二攝
篆錢塘顧君敬堂復延分修邑人再為改
正重鋟諸板余抵任厯月值工畢公餘展
閱文獻可徵以百年缺廢之舉一旦創造成
書與余重修福志之事彼此同心而二君迭
勞於前余得觀成於後快何如也且諸邑古

琅邪國自漢以來儒宗名臣文章事業代不絕書入

國朝科第仕宦著作節烈之富且甲山左猗與盛矣自時厥後邑之人仰前徽勵後進不以極盛者難為繼則風俗日隆人物日多乃有當於宮闕二君信今傳後之心其下為一邑之觀法上備史氏之採擇者數十年數百年後不知又當何如也勉旃是為序乾隆二十九年歲次

甲申

勅授文林郎丙辰科舉人知諸城縣事王屋何樂善撰



前志序二首

海岱惟青州而屬邑之隸於青者東南爲最東南邑接壤而巋然壯者諸邑爲最羣山糾紛哈呀河水滌帶滔滔汨汨達海中兩城並峙軍民錯居如繡中間列屯煮海通商利農家詩書而戶闐闐猗與盛哉是句踐所徙都也是齊景所欲觀也是秦皇鞭石駕海刻琅邪頌功德也是漢家封建諸侯王子而我明冠帶之奧區也茲可無志不以傳永久乎萬歷起壬辰終己亥倭起東南閒邑則議防海頃水旱相仍又增權礦權稅賦役繁重下有不堪命者邑則議恤民當事者卽欲按故牘討軍

諸城縣志 舊序

一

實稽因革定廢興之務使我民不至蹈湯火其孰從質而考焉邑志可聽其仍舊殘缺失序耶越辛丑邑侯任吾王公以進士來尹茲土莅事治民悉秉純德而釐奸剔蠹則不憚以嚴飭之吏治蒸蒸峻譽日起而尤博綜好古探奇於玉函石室以徵文獻而垂來禩閒詢父老以縣志所載父老固漫無以置對也侯鬱邑者久之乃謀於憲使君後厓陳公公唯唯受簡而載筆焉典鉛槧吹藜火遠稽近核詮次考訂疆宇之沿革戶口之盈縮畎畝之瘠膏民力之勞逸城隍之完缺錢穀之出入兵仗之勇怯風俗之樸文與夫諸名賢之履歷縉紳之傳

紀藝文之璀璨漁獵既詳網羅自富諸邑上下千百年事一覽如在目前公之心已苦侯之志已成矣噫世運不無平陂人事不無夷險治之徵亂亂之徵治可覆說而熟數之今小東大東之機杼空矣山靈河伯之韞穡竭矣人心蠢動寧無先見後來者蒿目時事而勤顧畏或防海或恤民按故籍而紆經畫猶之挹水於河而取火於燧爲力易而收效捷也東以控馭海邦西以藩屏郡治而鞏固京室諸邑之稱最於東南有旣哉卽使恤緯過計四郊樂土而彬彬文獻足以徵往而侯來使人有所觀且有所興起禮樂足以殿邦山川因而增重諸

邑之稱最於東南有旣哉侯加意民社甚殷縣志之修此其一徵耳書成余僭爲序而併以付之殺青萬歷三十一年歲次癸卯仲夏賜進士及第翰林院修撰益都趙秉忠撰

夫志亦史類也三大史並其二六經史居其三非以易斬者澤不朽者言彰往詔來厥功宏鉅哉虞夏以還代不乏史晉乘楚書鄭志之類班班載籍列國皆有史也迨秦罷侯置郡官府如傳舍計日侯遷遑恤其餘故歷漢唐宋迄今郡邑志不隸王官不奉公令有其舉之如晨星索寞矣吾諸邑舊宜有志不然寰宇通志一統志

何據成編然而未經梓布豈任茲者已事而弁髦之歟
嘉靖庚戌邑令唐山祝公始屬校諭王君應斗者肇修
而鉁諸梓當其時邑無萬軸之藏人罕三長之儷覽者
雌黃或亦宜爾越五十餘年今潼關王侯來令吾邑侯
才誠兼濟朞月政成邑之圯者修廢者舉僂指莫罄矣
暇日閱故志雅欲釐舊飭新而難厥任之者簡邑耆宿
得後厓陳大夫幣以謁曰非公其孰任茲陳公經筵宿
充彩毫獨運業授簡乃窮西山汲冢之藏盡里父巷魁
之臆八閱月而志告成確核證其謬悠崇論垂之型範
勸懲若鑑評騭如衡體裁森截編次倫要一邑之典刑

諸城縣志

舊序

三

具矣而王侯又屬愚序諸簡端愚嘗縱觀邑境內疊嶂
嶒嶸其南環濰流訐訐乎北劃風氣完粹何謝神臯以
行父城諸考之吾邑實魯疆也余自束髮距垂白耳目
覩記民物日以熙穰風俗日以樸茂野無嵒窳之農市
有輕實之賈禮教信義之風迄今猶未泯哉而山川磅
礴清淑毓靈鬱爲思皇科名輩出濟濟乎以法以廉不
可謂魯無君子矣固國家熙洽之所醞釀然而掄材授
地接踵循良先後賢師帥培灌之功何可誣也適今不
志曠以數十百年之久文獻湮淪考徵無據設有作述
非風影之訛則掛漏之誚後之人卽欲紹明故實恢宏

志業難矣然則侯今茲之功其不偉哉抑愚又緩頰焉夫志詎第屬辭比事爲備遺忘博聞見已耶抒己志以感人之志者也孔子曰吾志在春秋蓋東周之想茲其抒矣作乎百世之上百世之下而亂臣賊子懼所感不旣深乎故匪抒何感匪感何奮王侯貞教以章志陳公立言以足志繼自今宦於斯生於斯者能無觀感以奮志天祚吾邑將使媲美前修流光汗簡者纒纒繩繩不可勝紀矣斯其竟志之義哉湖廣鄖襄副使邑人丁惟寧撰

前修志姓名

諸城縣志 舊序

四

總裁諸城縣知縣潼關王之臣編次陝西按察副使邑人陳燭校正儒學教諭膠州李君寵訓導武定州吳維新掖縣劉志魯同校邑庠生王東渤王東濟呂中音王家彥宋士佳姜約張必先王建中楊于庭竇如洙後志序一首

今上壬子七月穎受事東武甫閱月會奉檄纂修縣志自維學愧三長夙夜祇懼爰謀紳士兼詢芻蕘具險糜以供事計旬月而邑乘告成守土臣例得製言以弁其端曰東山之壤成周自保釐家相俾侯啟宇奕禩而後尊尊親親先王遺教至今未嘗澌蔑也易象春秋藏之

掌故宫懸六代隸諸太常天下稱望國焉越數百年闕里秉筆削之權鄒士倡仁義之學至聖大賢俱萃於齊魯之鄉則萬世作述之林徵文考獻信不能舍齊魯而他是圖爲斷然矣且古王者四仲時邁自東岱始採風貢俗納價陳詩悉首其事於東方應震位也是則巖巖泰山被

聖天子慶賞威讓視他郡國爲獨早况通道千里直達畿輔如魯地東武舊郡由隋而唐而宋而元以迄

皇清沿號諸城者雖斗大一區其山川形勝列在股肱人物風土易沾聲教魚鹽穗稭徑走天府文章黼黻光

諸城縣志

舊序

五

燭神州則諸邑之得沐日浴月膏雨浥露於

聖天子之漸被暨訖亦視他郡國爲尤咫尺於都哉邑土之榮幸事尤區區守土臣之厚幸事也然去天尺五爲最爲殿益深祇懼伏思臣子承乏一官叨爲方州牧吏若不克行所學俾所治之宇風不貞而淫俗不敦而薄文秀滿而弱武剛滿而競墉壑不浚築而圯敝畝籍不墾治而汚萊軍實不討而捍禦疎嘯聚不靖而萑苻貿且令幽節不彰而摩厲無資金石銷沉而蔚文不著是則守土臣之責也不幾上負吾

君父下負吾民物隕越之恐實用惴惴亦烏能釋一慮

於夙夜閒哉今按濰水以南穆陵以東越句踐霸業之
餘秦祖龍駐蹕之所時雖去古絕遠泱泱大風宛然在
目穎俯仰前踪期登懋理謁蓋公之堂則清靜畫一之
治可師也陟雩泉之亭則子瞻至誠格神之風可追也
望琅邪邑瞰渤海津則晏大夫補助之文可倣而行龔
二千石之買犢賣刀可準而式也他如楊忠愍之執法
懲奸趙山陰之墾田復業載在前乘煜冊輝編者可規
之矩之趨之步之以治吾一邑也穎飲冰怵惕幾幸於
君父民物閒免滋吏疚其饜飫我

皇上德意至無算矣敢以樸菽至愚恭當車書萬國之

日與筆札以勦

聖朝鉅典哉然是編成風謠具在文物載陳太平榮觀
遐邇作睹穎將進東武之父老子弟翔舞以颺大化焉
於是乎書康熙十二年歲次癸丑夏月諸城縣知縣廣
陵卞穎敘

跋一首

顯邑人也從無干預縣事而況纂修大典尤不敢過而
問焉者恭承本縣職官疊啟修志遂以有病不能搦管
才短不敢續貂爲辭當事者勃然變色曰欣逢大一統
之盛事輒敢付之不見不聞未免不忠久聞令先大人

之大節竟忍聽諸人筆人削是誠不孝顯獨何心能不汗流浹臂泣下沾襟長跽而受教哉公議城隍廟作公所用陳指天誓日之情而人役難其湫隘遂於上臺巡歷之所涓吉肇修以見不敢欺罔上臺之意若是乎修志之未易草草也前輩纂修難於創始今則憑藉舊本比前較易然接古僅費蒐羅續今更煩採訪竊恐富厚自能上達單寒誰與開報多方物色使潛德幽芳不至湮沒無聞者則賢有司之力也如顯不過力疾編次仰體責備之雅以俯竭臣子之誠除割股醫親有類舍生取義者勉爲傳論其餘槩未與議以見

欽假在籍不敢干預縣事之意纂修重任總屬職官集思廣益修輯告成事蹟則接古續今論斷則今古參用敘跋則先今後古以推崇

昭代前賢不爲無功於後後學亦求無過於前可也戶部廣西司員外郎邑人劉必顯跋

後修志姓名

監修諸城縣知縣江都卞穎參閱儒學教諭淄川康孔禧董成邑人戶部廣西司員外郎劉必顯纂修邑人進士王勸舉人楊師儒貢生丁似穀貢生李澄中校正邑庠生任定邱玉斯王咸奇王復振丁鐸李述中臧寵光

馬既哲鄭福裕曹允錫徐我樸王咸炤督梓典史山陰
孫文繡

諸城縣志

舊序

八